



UNIVERSITÄTS-
BIBLIOTHEK
PADERBORN

Regvlæ Societatis Iesv

Angeli, Bernardo d'

Romæ, 1616

Regulæ Procuratoris Collegii, & Domus Probationis.

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



REGVLAE

PROCVRATORIS COLLEGII,

& Domus Probationis.



Qualis esse
debeat. I



N omnium negotiorum tra-
ctatione perpetuo memor
sit instituti Societatis, quæ
Dei omnipotentis gloriam
quærens, profectui anima-
rum inuigilat. Curet igitur

ipse verbo, & exemplo eos omnes ædificare,
quibuscum conuersatur; atque eos sibi bene-
uolos conseruare, quorum opera ad negotia
peragenda indiget.

P. 3. c. 2. §. 7.
Res tempora-
les curet.

2 Procuratoris erit conseruare res tem-
porales suæ curæ commissas, & eas curare,
tanquam bona propria Domini Nostri Iesu
Christi. Cum autem toti Collegio necessaria
prouidere ipse debeat, iuxta Superioris ordi-
nem,

nem, ad eum pertinebit proventus quoscun- que Collegij, vel Domus Probationis, & eleemosynas, vbi petendas à Rectore intellexerit, exigere ac recipere: syngraphas vero solutionis, quando opus erit, ipse dabit subscriptas à Rectore, aut à se, illius commissione.

3 Omnes Collegij proventus, & tempora, quibus colligendi sunt, in peculiari libro scribet, & seorsum summam contractuum, & locationum, quæ ad breue tempus fiunt: seorsum etiam quascunque res, aut pecunias ex fructibus Collegij perceperit, addito à quibus, & quando ea prouenerint: eleemosynæ autem alio in loco scribantur.

4 Singulis mensibus dati, & accepti rationem Rectori reddet; debitaque, & credita Collegij indicabit, quo ipse domus statum prorsus intelligat.

5 Pecunia vndecunque ea prouenerit, si alicuius momenti fuerit, iudicio Superioris, in arca reponetur ad id designata. huius Rector clauem vnam, & ipse Procurator alteram diuersam custodiat: in eadem liber asseruabitur, in quo scribetur pecuniæ summa, tam eius quæ infertur, quam eius, quæ effertur. si quando autem cogente aliqua necessitate pecunia in arcam non inferretur, nihilominus accepti, & expensi summa in

Quæ in libro scribat.

P. 4. c. 2. §. 5.
Rationem Rectori reddat.

Arca pecuniarum, & earum liber, & quot claues.

eodem libro statim scribatur, ac si in ea reponeretur.

Ex ea acceptam pecuniam notet.

6 Quoties ex arca pecuniam accipiet, eius summam, & diem in libro suarum rationum adscribat; in alia vero parte libri, expensi ratio constet.

In ex.c.4.§.4
&p.1.c.4.§.6
A Nouitijs allata curet seruari.

7 Procurator in libro ad hoc designato quem penes se habere debet, scribat omnia, quæ vnusquisque Nouitiorum domum attulerit cum eiusdem subscriptione, & ea custodi vestium asseruanda tradet, nisi sit pecunia, quam separatim custodiet in arca, vbi pecuniæ Collegij reponuntur, donec biennio expleto Nouitius consueta vota Societatis emittat.

Emptori pecunias dabit, & quotidie rationem exiget.

8 Emptori pecunias ad quotidianos sumptus ministrabit, à quo singulis diebus expensarum exiget rationem ex codice; summam vero in librum suum ipse referet.

Res bonas & quam opportune emi curabit.

9 Curet, vt res omnes, præcipue diu duraturæ quam opportune emantur, ne has non perinde bonas, aut non æquo pretio cogatur comparare; caueat etiam ne dum nimium pecuniæ parcat, non bonas, aut insalubres res emat.

Curabit res emptas conseruari.

10 Videat num ea, quæ empta sunt, illæsa conseruentur, atque animaduertens aliqua non vt oportet conseruari, aut expendi, Superiorem, vel Ministrum admo-
neat.

11 Aduertat, num ea, quæ à Collegio possidentur, reparatione indigeant, seu domus, seu prædia, seu quiduis aliud, vt ad Superiorem referat: si quid autem vendendum videretur, eodem inconsulto, ne faciat.

Quæ reparanda, quæ vendenda.

12 Omnia, quæ speciem habent secularis negotiationis, in colendis videlicet agris, vendendis in foro fructibus, & similibus, intelligat prohibita esse nostris.

Can. 27. cõg.

2. Seculares negotiationes vitet.

13 Nihil, quod ad locationes, contractus, aut debita contrahenda, aut alia alicuius momenti negotia pertineat, faciat, nisi ipsi à Superiore commissum sit: si quid autem ex ijs quæ iubentur, ipsi videretur non expedire, eidem proponat modeste suam sententiam & rationes, quibus moueatur.

Locationes, & similia inconsulto Sup. non faciet.

14 Excipiet in codicem lites, si quæ forte erunt; & quæ grauioris momenti circa eas fient, continenter, & summatim annotabit.

Circa lites.

15 In tribunalibus iudicum non compareat, nisi quando aliqua necessitas plurimum urgere Superiori videretur; sed per externos Procuratores nostra negotia in publicis iudicijs peragantur.

Publica iudicia & tribuna lia.

16 Illud vero præcipue ante oculos habeat, vt antequam litem vllam intendat, res controuersa (si fieri possit) concordia aut compromissione, consulto Superiore, componatur: si quando tamen ad litem descendendum

Lites componendæ.

dendum erit, memor sit, vt magnam pacem interius exteriusque custodiat, & semper ad iustam concordiam ipsum paratum esse, contrariæ parti innotescat.

Solide negotia expediantur.

17 Curet diligenter, vt recte, & solide fiant, quæ expedienda erunt: quod si periti iuris consulendi sint, maxime idoneos eligat. Idem de ceteris officialibus dictum intelligatur.

Cum Superiore negotia cōferat.

18 Conferat cum Superiore, eique reddat rationem eorum, quæ facit, & quo in statu sint negotia; aut ei, quem ille designabit: quod si rerum difficultas extraordinarium fauorem, aut diligentiam exigere videatur, eidem significet, vt auxilia, quæ opportuna visa erunt, petantur.

Quæ in Archiuo asseruabit, & quot clauēs

19 Diligenti cura asseruabit in Archiuo ad hoc designato instrumenta originalia, & titulos, quibus constat de iure eorum, quæ à Collegio possidentur, suis locis reposita, vt facile inueniri possint. Archiuij autem duæ clauēs diuersæ erunt, quarum alteram Receptor, alteram ipse habebit Procurator.

Habeat etiam authentica.

20 Seorsum habeat hæc eadem instrumenta, & titulos manu Notarij publici subscriptos, vt fidem faciant, si aliquando in iudicio præsentari necesse sit.

Librū habeat instrumentorum.

21 Præter hæc Procurator librum habebit, in quo summa quædam horum instrumentorum, & titulorum contineatur: cum
autem

autem contractus maioris momenti, præsertim rerum perpetuarum fient, redigat in memoriam Rectori ad Archiuum, quod est in vrbe penes Præpositum Generalem, eorum exempla authentica mittenda esse.

22 Cubiculum clauis obseratum habeat, & asseruabit scripturas, quibus ad Procuratorium munus indigebit: cumque aliquas ex Archiuo accipiet, earum in libro, qui in eodem Archiuo erit, notato die, mense, & anno, memoriam relinquet; quas, cum suo tempore restituet, ex eodem libro expunget.

23 In libellum referet quæcumque à Superiore ipsi facienda iniungentur, ne memoria excidant, & effectu frustrentur.

24 Intelligat, qui sint illi potissimum, qui beneficia magni momenti in Collegium contulerunt, & eorum catalogum habeat, & Superiorem certiosem faciat; vt iuxta modum professionis nostræ, grati in illos esse possimus.

Cubiculum clauis obseratum, & scripta necessaria apud se habebit.

Quæ in libello notabit.

Circa benefactores.

